



Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

Agiudus po su Deretu a su stùdiu 2022

Bussa de stùdiu regionali – a.s. 2021/2022 (L.R. 5/2015)

Bonus lìburus - a.s. 2022/2023 (Art. 27 L.448/1998)

Si fait sciri a is tzitadinus chi sunt stètius ativaus is interventus po su Deretu a su stùdiu, chi pertocant is studentis chi bivint is Sestu, chi sighint innoi a suta:

BUSSA DE STÙDIU REGIONALI (a. s. 2021/2022)

Pertocat is studentis de is scolas de primìtziu e de is scolas segundàrias de primu e de segundu gradu (**a foras de is benefitziàrius de sa Bussa de stùdiu natzionali 2021/2022**), cun inditadori de sa situatzioni econòmica ecuivalenti (I.S.E.E.) chi est in balididadi, segundu su D.P.C.M. n°159/2013, prus bàsciu o paris a **€ 14.650,00**.

BONUS LÌBURUS (a. s. 2022/2023)

Pertocat is studentis de is scolas segundàrias de primu e de segundu gradu cun inditadori de sa situatzioni econòmica ecuivalenti (I.S.E.E.) chi est in balididadi, segundu su D.P.C.M. n°159/2013, prus bàsciu o paris a **€ 20.000,00**.

MODALIDADI DE PRESENTADA DE SA DIMANDA

Si marcat chi depint essi presentadas duas dimandas scrobadas IN-LÌNIA, una po dònbia agiudu.

Podint intregai sa dimanda online sceti a su Comunu innui bivint (intrendi in sa "Stanza del Cittadino") in su liòngiu chi sighit:

<https://www2.stanzadelcittadino.it/comune-di-sestu/it/servizi/gruppo/pubblica-istruzione>

A INTRU DE IS 11:59 DE SU SERO DE SU 4 DE DONNIASANTU 2022:

Su babu, sa mama, su representanti legali de su studenti o su studenti etotu si majori de

edadi, depint cumpilai in-linia su mollu dedicau.

DONAI ATENTZIONI: si cunsillat a is chi depint intregai sa dimanda de ddu fai intra de unu tèrmini chi permitat de fai de mancu a calisisiat strobu. Si fait sciri chi su sistema non permitit de intregai sa dimanda a pustis de su tèrmini stabilèssiu e duncas sa dimanda, mancai chi siat cumpilada, abarrat in brutacòpia e NON at a arresurtai intregada. Si pedit de averiguai s'arricimentu de sa mail chi cunfermat s'intregu curretu de sa dimanda e de cussa chi averiguat sa protocollatzioni de sa matessi.

Alliongai is paperis chi sighint:

1. Còpia de su documentu de arriconoscimentu bàlidu de chini fait sa dimanda (si podit fai fintzas cun intrada SPID);
2. Còpia chi testimongit s'ISEE 2022, arregulari (senza de mancàntzias o irregularidaddis), chi est in balididadi (scadèntzia intra de su 31/12/2022) e cun totus is 3 pàginas, nisciuna esclùdia; non depint essi alliongiadas DSU;
3. Còpia de su còdixi IBAN de su contu currenti o de sa carta prepagada chi at a arriciri s'acrèdidu;
4. Po su bonus lìburus sceti: còpia de is paperis de spèndida, mellus si assetiaus in PDF.

Si marcat chi ant a essi arreconnòscias, sceti, is spèndidas documentadas de **faturas, scontrinus fiscalis, arricidas fiscalis o testimongiàntzias de spèndidas de su servìtziu clientis. Non funt pigaus in consideru òordinis in-linia o notas de intregu**. Si marcat chi si podint amiti, e duncas si podit fai su remborsu, is spèndidas chi pertocant is còmporas de is lìburus de testu imperaus de sa scola freqüentada. Funt escruias is spèndidas po sa còmpora de: materiali imparadori, ditzionàrius, ainas de mètalu, cantzilleria, cobertinas de lìburus, spèndidas po sa tragada (trasporto), spèndidas po rètulus (contrassegno) o àteras genias de spèndida chi non pertocant is lìburus scolàsticus. Si pedit duncas de alliongai is paperis chi s'arreferrint a is lìburus comporaus sceti.

Funt arrexoni de escruida de su benefitziu:

- Sa presentada o arricimentu de is dimandas a pustis de su tèrmini previdiu de custu Avisu;
- Sa mancàntzia de rechisius chi funt pedius in custu Avisu;
- Sa fràssia de cussu chi est stètiu declarau me is dimandas intregadas;
- Is dimandas senza de testimongiàntzia ISEE o cun s'ISEE frassu o differenti;
- Is dimandas senza de paperi de identidadi bàlidu de su pregontadori. A foras de chini ddu fait cun SPID.

MOLLUS E INFORMATZIONIS

Is mollus de imperai funt a disponimentu in su giassu web de su Comunu de Sestu in sa

setzioni Home page, in s'Albo online, in sa setzioni Stanza del cittadino.

INFORMATIVA PRIVACY

Si pedit de castiai s'informativa Privacy alliongiada

- Po informatzjonis: Ufitziu de s'imparu pùlicu
- Telèfunu: 070 2360257-258-259
- Email: pubblica.istruzione@comune.sestu.ca.it

S'avisu e s'informativa s'agatant in custu liòngiu:

<https://www.comune.sestu.ca.it/index.php/2022/10/25/contributi-per-il-diritto-allo-studio-2022/>